

CHES SOUCOUPES VOLANTES.

— Samedi passé chétot la pale...

Ech' jour là on bot qu'équ' verres avec ses amis, on parle et on rigole...

Et d'quoî plaïdier, sinon d'ches soucoupes volantes !

Tout l'monde, là d'sus, a sin point d'vue !!!

A l'heure ed' s'arnaler à s'mason, l légeot bétot brun. Et un homme l plin-sol tellemint à ches soucoupes qu'il in pardot l'équilibre...

Tout d'in caup vla qu' ches bees d'électricité s'allèument et comme l avot la vue un peu trouble, l croit qui pleut des soucoupes dins s'rue... Iest tellemint ébloui in les ravisant qu'il n'voit pont in fossé plein d'iau noire comme du boulla et rimpli d'mouille...

Et palatras l triboule eddins...

Et i a bu enn' fameuse tasse à chou qu'on dit ! Cha n'avot pus l'même goût qu'enne bistouille...

Adon, pire qu'in crapaud din enn' telle d'lait bouli, ia bien des ruses ed' s'arsaquer dé ch'fossé, létot pus noir qu'in diable !!!

Pis, deux pas in avant, in pas in arrière, i parvient à rentrer comme cha à s'mason...

Heureusement qui a enn' bonne femme. Aile a passé l'mitan dé s'nuît à l'nettier et à l'récauffer...

Aujourd'hui si quo volez l'mette in rogne, parlez li d'ches soucoupes volantes, i vous archuvra pire qu'in « marsoin ».

Hein ! queu tours qu'i n'arrive pont avec ches soucoupes volantes !!!

Jean NERRY.